

## 0.0.1 therasuttam

### 0. sāvattthinidānaṃ:

1. pañcahi bhikkhave dhammehi samannāgato thero bhikkhu bahujaṇāhitāya<sup>1</sup> paṭipanno hoti, bahujaṇāsu-khāya<sup>2</sup> bahuno janassa anattāya ahitāya dukkhāya devamanussānaṃ. katamehi pañcahi:

2. thero hoti rattaññū cirapabbajito. ñāto hoti ya-sassī gahaṭṭhapabbajitānaṃ<sup>3</sup> bahujaṇaparivāro. lābhī hoti cīvarapiṇḍapātasenāsanagilānapaccayabhesajja-parikkhārānaṃ. bahussuto hoti sutadharo sutasannicayo, ye te dhammā ādikalyāṇā majjhekalyāṇā pariyo-sānakalyāṇā sātthā savyañjanā kevalaparipunṇaṃ pa-risuddhaṃ brahmacariyaṃ abhivadanti, tathārūpāssa dhammā bahussutā honti dhatā vacasā paricitā mana-sānupekkhitā diṭṭhiyā appaṭividdhā<sup>4</sup>. micchādiṭṭhiko hoti viparītadassano.

3. so bahujaṇaṃ saddhammā vuṭṭhāpetvā asaddham-me patitṭhāpeti. thero bhikkhu rattaññū cirapabbajitotipissa diṭṭhānugatiṃ āpajjanti. ñāto thero bhikkhu yasassī gahaṭṭhapabbajitānaṃ. bahujaṇaparivā-

<sup>1</sup>bahujaṇa ahitāya (machasaṃ)

<sup>2</sup>bahujaṇa asukkhāya (machasaṃ)

<sup>3</sup>sagahaṭṭhapabbajitānaṃ (machasaṃ)

<sup>4</sup>using machasaṃ reading, appaṭividdhā, to avoid contradiction with the sentence that follows

pts 115 q 115

rotipissa<sup>5</sup> diṭṭhānugatiṃ āpajjanti. lābhī thero bhikkhu cīvarapiṇḍapātasenāsanagilānapaccayabhesajja-parikkhārānantipissa diṭṭhānugatiṃ āpajjanti. bahusuto thero bhikkhu sutadharo sutasannicayotipissa diṭṭhānugatiṃ āpajjanti.

**4.** imehi kho bhikkhave pañcahi dhammehi samannāgato thero bhikkhu bahujanāhitāya paṭipanno hoti bahujanāsukhāya bahuno janassa anattāya ahitāya dukkhāya devamanussānanti<sup>6</sup>.

**5.** pañcahi bhikkhave dhammehi samannāgato thero bhikkhu bahujanahitāya paṭipanno hoti bahujanasukhāya bahuno janassa attāya hitāya sukhāya devamanussānaṃ. katamehi pañcahi:

**6.** thero hoti rattaññū cirapabbajito. ñāto hoti yasassī gahaṭṭhapabbajitānaṃ<sup>7</sup> bahujanaparivāro. lābhī hoti cīvarapiṇḍapātasenāsanagilānapaccayabhesajja-parikkhārānaṃ. bahussuto hoti sutadharo sutasannicayo, ye te dhammā ādikalyāṇā majjhekalyāṇā pariyośanakalyāṇā sātthā savyañjana<sup>8</sup> kevalaparipuṇṇaṃ parisuddhaṃ brahmacariyaṃ abhivadanti, tathārūpāssa dhammā bahussutā honti, dhātā<sup>9</sup> vacasā paricitā

---

<sup>5</sup>itipissa (machasaṃ)

bjt 184 x 184

<sup>6</sup>devamanussānaṃ machasaṃ

<sup>7</sup>sagahaṭṭhapabbajitānaṃ machasaṃ

<sup>8</sup>sātthaṃ savyañjanaṃ machasaṃ

<sup>9</sup>dhātā machasaṃ

manasānupekkhitā diṭṭhiyā suppaṭividdhā. sammādiṭṭhiko hoti aviparītadassano.

**7.** so bahujaṇaṃ asaddhammā vuṭṭhāpetvā saddhamme patitṭhāpeti. therō bhikkhu rattaññū cirapabbajitotipissa<sup>10</sup> diṭṭhānugatiṃ āpajjanti. ñāto therō bhikkhu yasassī gahaṭṭhapabbajitānaṃ bahujaṇaparivārotipissa diṭṭhānugatiṃ āpajjanti. lābhī therō bhikkhu bahujaṇahitāya paṭipanno hoti bahujaṇasukhāya bahuno jaṇassa atthāya hitāya sukhāya devamanussānaṃ bahussuto therō bhikkhu sutadharo sutasannicayotipissa diṭṭhānugatiṃ āpajjanti.

**8.** imehi kho bhikkhave pañcahi dhammehi samanāgato therō bhikkhu bahujaṇahitāya paṭipanno hoti bahujaṇasukhāya bahuno jaṇassa atthāya hitāya sukhāya devamanussānanti.

---

<sup>10</sup>iti pissa machasaṃ  
pts 116 q 116